

四庫全書

子部

欽定四庫全書

子部

備急千金要方卷七十二至

詳校官太醫院恩程臣表奏錫

編修臣倉聖脈覆勘

總校官中書臣朱 鈐

校對官中書臣胡紹基

謄錄監生臣劉文耀

欽定四庫全書

備急千金要方卷七十二

唐

孫思邈

撰

宋

林億等

校正

解毒雜治方

解食毒第一

論方

論曰凡人跋涉山川不諳水土人畜飲啖誤中於毒素
不知方多遭其斃豈非枉橫耶然而大聖久設其法以
救活之正爲貪生嗜樂忽而不學一朝逢遇便自甘心

竟不識其所以今述神農黃帝解毒方法好事者可少留意焉

治諸食中毒方

飲黃龍湯及犀角汁無不治也飲馬尿亦良

治飲食中毒煩懣方

苦參三兩呋咀以酒二升半煮取一升頓服取吐愈

治食百物中毒方

掘廁傍地深一尺以水滿坑中取廁籌七枚燒令煙

以投坑中乃取水汁飲四五升即愈急者不可得但掘地著水即取飲之

又方服生韭汁數升

又方含貝子一枚須臾吐食物瘥

治食六畜肉中毒方

各取六畜乾屎爲末水服佳若是自死六畜肉毒水服黃蘗末方寸匕須臾服與佳

又方燒小豆一升爲末服三方寸匕神良

又方水服竈底黃土方寸匕

治食生肉中毒方

掘地深三尺取下土三升以水五升煮土五六沸取
上浮清者飲一升立愈

治食牛肉中毒方

狼牙燒灰水服方寸匕良

一作猪牙

又方溫湯服猪脂良

又方水煮甘草汁飲之

治食牛馬肉中毒方

飲人乳汁良

治食馬肉血洞下欲死方

豉二百粒

杏仁二十枚

右二味咬咀蒸五升米下飯熟擣之再服令盡

又方蘆根汁飲以欲即解

治生食馬肝毒殺人方

牡鼠屎二七枚兩頭尖者是以水研飲之不瘥更作

治食野菜馬肝肉諸脯肉毒方

取頭垢如棗核大吞之起死人

又方燒狗屎灰水和絞取汁飲之立愈

又方燒猪骨爲末水服方寸匕

治食百獸肝中毒方

頓服猪脂一斤佳亦治陳肉毒

治食狗肉不消心中堅或腹脹口乾大渴心急發熱狂

言妄語或洞下方

杏仁一升合皮研以沸湯三升和絞取汁分三服狗
肉完片皆出即靜良驗

治食猪肉中毒方

燒猪屎為末服方寸匕犬屎亦佳

治漏脯毒方

張文仲云茅室諸
水迷脯為漏脯

搗韭汁服之良大豆汁亦得

治鬱肉濕脯毒方

張文仲云肉閉在密
器中經宿者為濕脯

燒狗屎為末水服方寸匕凡生肉熟肉皆不用深藏

密蓋不泄氣皆殺人又肉汁在器中密蓋氣不泄者亦殺人

治脯在黍米中毒方

麴一兩鹽兩撮以水一升煮服之良

治牛射罔脯毒及餅臙中毒方

取貝子為末水服如豆佳不瘥又服

人以雉肉作餅臙因食皆吐下治之方

犀角為末服方寸匕得靜甚佳

治食鵝鴨肉成病胃滿面赤不下食者方

服秫米泔良

治食魚中毒方

煮橘皮停極冷飲之立驗

肘後方云治食魚中毒面腫煩亂者

治食魚中毒面腫煩亂及食鱸魚中毒欲死者方

劉蘆根春取汁多飲良并治蟹毒亦可取蘆葦茸汁飲之愈

治食魚膾及生肉在胃膈中不化吐之不出便成癥瘕

方

厚朴

三兩

大黃

二兩

右二味咬咀以酒二升煮取一升盡服立消人強者
大黃用酒三升煮取二升再服之

治食魚膾不消方

大黃

三兩切

朴硝

二兩

右二味以酒二升煮取一升頓服之

仲景方有橘皮一兩肘後方云

治食猪肉遇冷不消必成痼下之方亦無橘皮

又方春馬鞭草飲汁一升即消生薑亦良

肘後方云亦宜服諸吐藥

又方鮐魚皮燒灰水服無完皮壞刀裝取之一名鮫魚

皮

古今錄驗云治食鯀鮓魚傷毒

又方魚皮燒灰水服方寸匕

又方魚鱗燒灰水服方寸匕食諸鮑魚中毒亦用之

治食蟹中毒方

冬瓜汁服二升冬瓜亦可食

治食諸菜中毒方

甘草

貝齒

胡粉

各等分

右三味治下節水服方寸匕小兒尿乳汁共服二升亦好

治食山中樹菌中毒方

人尿汁服一升良

解百藥毒第二

論方
解毒

論曰甘草解百藥此實如湯沃雪有同神妙有人中烏頭巴豆毒甘草入腹即定中藜蘆毒蔥湯下咽便愈中

野葛毒土漿飲訖即止如此之事其驗如反掌要使人皆知之然人皆不肯學誠可歎息方稱大豆汁解百藥毒余每試之大懸絕不及甘草又能加之為甘豆湯其驗尤奇有人服玉壺丸治嘔不能已百藥與之不止藍汁入口即定如此之事皆須知之此則成規更不須試練也解毒方中條例極多若不指出一二學者不可卒知餘方例爾

石藥毒用白鴨屎

金匱要略卷之六
人參汁雄黃毒用防已

鐵粉毒用磁石

礬石毒用大豆汁白鷺膏

防葵毒用葵根汁

桔梗毒用白粥

甘遂毒用大豆汁

大戟毒用菖蒲汁

躑躅毒用梔子汁

雞子毒用淳醋

馬刀毒用清水

野芋毒用土漿人糞汁

杏仁毒用藍子汁

百藥毒用甘草薺芫大小豆汁藍葉根實汁

金銀毒用水銀服數兩即出雞子汁及尿白燒猪脂和

水淋雞屎汁煮蔥白汁鴨血及屎汁

芫花毒用防己防風甘草桂汁

野葛毒用雞子清葛根汁甘草汁鴨頭熱血猪膏雞尿
人尿

藜蘆毒用雄黃湯煮蔥汁

烏頭天雄附子毒用大豆汁遠志防風棗肉飴糖

射罔毒用藍汁大小豆汁竹瀝大麻子汁藕芰汁六畜

血貝齒屑蚯蚓尿

半夏毒用生薑汁及煮乾薑汁

莨菪毒用薺芫甘草犀角蟹汁升麻

狼毒毒用杏仁藍汁白飲鹽汁木占斯

巴豆毒用煮黃連汁大豆汁菖蒲汁生薑汁

肘後云
小豆薑

煮

寒水石汁

蜀椒毒用葵子汁蒜桂汁豉汁人尿冷水土漿雞毛燒
吸煙及調水服

斑猫元青毒用猪膏大豆汁戎鹽藍汁鹽湯煮猪膏巴
豆服藥過劑悶亂者用水和胡粉水和葛粉地漿蘘荷
汁杭米瀋豉汁乾薑黃連飴糖飲藍汁吞雞子黃

解諸菌毒

掘地作坑以水沃中攪令濁澄清飲之名地漿
解一切毒藥發不問草石始覺惡即服此方

豉三升

生麥門冬

蔥白

各八兩

右三味咬咀以水七升煮取二升半分三服

雞腸草散解諸毒方

雞腸草三分

薺芫

升麻

各四分

芍藥

當歸

甘草

各二分

墾土

一分

藍子

合一

右八味治下篩水服方寸匕多飲水爲佳若爲蜂蛇等毒蟲所螫以針刺螫上血出著藥如小豆許於瘡中令濕瘡爲射罔箭所中削竹如釵股長一尺五寸以綿纏繞水沾令濕取藥內瘡中隨瘡深淺令至底止有好血出即休若服藥有毒水服方寸匕毒解痛止愈

解毒藥散方

薺芫

一分

藍

并花
二分

右二味七月七日取藍陰乾搗篩水和服方寸匕日

三

又方中毒者取秦燕毛二枚燒灰服

解一切毒方

母猪尿水和服之又水三升三合和米粉飲之

解鳩毒及一切毒藥不止煩懣方

甘草

蜜各四分

梁米粉一升

右三味以水五升煮甘草取二升去滓歇大熱內粉

湯中攪令勻調內白蜜更煎令熟如薄粥適寒溫飲
一升

治食茱萸悶亂如卒中風或似熱盛狂病服藥即劇方
飲甘草汁藍青汁即愈

治野葛毒以死口噤者方

取青竹去兩節柱兩脇臍上內冷水注之暖即易須
臾口開開即服藥立活惟須數易水

治鉤吻毒困欲死面青口噤逆冷身痺方

肘後方云鉤
吻菜萸食芥

相似而所生之傍無他草
又莖有毛誤食之殺人

薺芫八兩咬咀以水六升煮取三升冷如人體服五
合日三夜二凡煮薺芫惟令濃佳

又方煮桂汁飲之

又方噉蔥涕佳

蔥涕治
諸毒

治腹中有鐵方

白折炭刮取末并花水服三錢不過再服

備急千金要方卷七十二

欽定四庫全書

備急千金要方卷七十三 唐 孫思邈 撰

宋 林億等 校正

解毒雜治方

解五石毒第三 論方

論曰人不服石以庶事不佳惡瘡疥癬溫疫瘡疾年年
常患寢食不安興居中惡非止已事不康生子難育所
以石在身中萬事休泰要不可服五石也人年三十已

上可服石藥若素肥充亦勿妄服四十已上必須服之
五十已上三年可服一劑六十已上二年可服一劑七
十已上一年可服一劑

又曰人年五十已上精華消歇服石猶得其力六十已
上轉惡服石難得力所以常須服石令人手足溫煖骨
髓充實能消生冷舉措輕便復耐寒暑不著諸病是以
大須服之凡石皆熟鍊用之凡石之發當必惡寒頭痛
心悶發作有時狀如溫瘧但有此兆無過取冷水淋之

得寒乃止一切冷食惟酒須溫其諸解法備如後說其
發背疽腫方見別卷

又曰凡服石人甚不得雜食口味雖百品具陳終不用
重食其肉諸雜既重必有相賊聚積不消遂動諸石如
法持心將攝得所石藥為益善不可加余年三十八九
嘗服五六兩乳自是以來深深體悉至於將悉節度頗
識其性養生之士宜留意詳焉然其乳石必須土地清
白光潤羅紋烏翮一切皆成白可入服其非土地者慎

勿服之多皆殺人甚於鳩毒紫石白石極須外內映徹
光淨皎然非此亦不可服寒石五石更生散方舊說此
藥方上古名賢無此漢末有何侯者行用自皇甫士安
已降有進餌者無不發背解體而取顛覆余自有識性
已來親見朝野仕人遭者不一所以寧食野葛不服五
石明其大大猛毒不可不慎也有識者遇此方即須焚
之勿久留也今但錄主對以防先服者其方以從煙滅
不復須存為含生害也

蔥白豉湯鍾乳對朮又對桔萸其治主肺上通頭胃朮
動鍾乳胃塞短氣鍾乳動朮頭痛目疼又鍾乳雖不對
海蛤海蛤能動鍾乳鍾乳動則目疼短氣有時朮動鍾
乳直頭痛胃塞然鍾乳與朮為患不過此也雖所患不
同其治一也發動之始要有所由始覺體中有異與上
患相應宜速服此方

蔥白

斤半

豉

升二

甘草

兩三

人參

外臺
用吳

茱萸

一升

右四味㕮咀先以水一斗五升煮蔥白作湯澄取八升內藥煮取三升分三服纔服便使人按摩搖動口中嚼物然後仰臥覆以煖衣汗出去衣服湯熱歇即便冷淘飯燥脯而已若服此不解復服

甘草湯方

甘草

三兩

桂心

二兩

鼓

二升

蔥白

半斤

右四味合服如上法若服此已解肺家猶有客熱

餘氣復服

桂心湯方

桂心

麥門冬

各三兩

人參

甘草

各二兩

豉

二升

蔥白

半斤

右六味合服如前法

此方與肘後散發身體生瘡麥門冬湯方用重分兩小異

杜仲湯 硫黃對防風又對細辛其治主脾腎通主腰脚

防風動 硫黃煩熱脚疼腰痛或嗔忿無常或下利不禁

防風細辛能動 硫黃而硫黃不能動彼始覺發便服此

方

杜仲三兩

枳實

李核仁各二兩 香豉一升

甘草二兩

梔子仁十四枚

右六味合服如上法若不解復服

大麥奴湯方

大麥奴四兩

甘草

人參

芒硝

桂心各二兩

麥門冬半斤

右六味合服如上法若服此已解脾腎猶有餘熱氣

或冷復服

人參湯方

人參

乾薑

甘草

當歸

各一兩

附子

一枚

右五味合服如上法

生麥門冬湯白石英對附子其治主胃通主脾腎附子動白石英煩熱腹脹白石英動附子嘔逆不得食或口噤不開或言語難手脚疼痛始覺發宜服此方

生麥門冬

四兩

甘草

麻黃

各二兩

豉

二升

右四味合服如上法不解更服

大黃湯方

若煩加細辛五兩

大黃

三兩

豉

二升

梔子仁

二十枚

甘草

二兩

右凡五味合服如上法頻服得下便止不下服盡若熱勢未除視瞻高而患渴復服

枯薑根湯方

枯薑根

大麥奴

四兩

甘草

二兩

豉

二升

蔥白

半升

右五味合服如上法稍稍一兩合服之隱約得一升
許便可食少糜動口若已解胃中有餘熱復服

芒硝湯方

芒硝

桂心各二兩

通草

甘草各三兩

白朮

一兩

大棗

二十枝

李核仁

二十枝

右七味合服如上法若腹脹去芒硝用人參二兩

人參湯紫石英對人參其治主心肝通主腰脚人參動

紫石英

外臺云細辛人參動紫石英

心急而痛或驚悸不得眠臥恍

惚忘誤失性發狂昏昏欲眠或憤憤喜噉或瘥或劇乍

寒乍熱或耳聾目暗又防風雖不動紫石英紫石英猶

動防風

巢源外臺云防風雖不對紫石英而能動紫石英為藥中亦有人參緣防風動人參轉相發動

令人亦心痛煩熱

頭項強始覺服此方

外臺服麻黃湯

人參

白朮

各三兩

甘草

外臺無

桂心

各二兩

細辛

一兩

鼓

三升

右六味合服如上法若噉盛加大黃黃芩梔子各三兩若忘誤狂發猶未除更服

生麥門冬湯方

外臺此方
治礬石發

生麥門冬

蔥白

各半
斤

甘草

三兩

人參

一兩

豉

二升

右五味合服如上法溫牀煖覆牀下著火口中嚼物
使身稍汗一日便解若心有餘熱更服

人參湯方

人參

防風

甘草

各三兩

桂心

二兩

生薑

白朮

各一兩

右六味合服如上法

大麥麴方赤石脂對桔梗其治主心通主胃背桔梗動
石脂心痛寒噤手脚逆冷心中煩悶赤石脂動桔梗頭
痛目赤身體壯熱始覺發宜溫清酒飲之隨能否須酒
勢行則解亦可服此方

大麥熬令汗出燥止勿令大焦春去皮細搗絹篩以

冷水和服之

千金翼云炒去皮淨淘蒸
令熟曝乾熬令香乃為末

蔥白豉湯礬石無所偏對其治主胃發則令人心急口

噤骨節疼強或節節生瘡始覺發即服此方

外臺云服麥門冬湯

蔥白

半斤

豉

二升

甘草

二兩

右三味以水六升煮取二升半分三服若散發身體
卒生瘡宜服

生麥門冬湯方

生麥門冬

五兩 甘草

三兩

桂心

二兩

蔥白

半斤

人參

一兩半

豉

二升

右六味服如解鍾乳湯法

術對鍾乳木發則頭痛目疼或舉身壯熱解如鍾乳法
附子對白石英亦對赤石脂附子發則嘔逆手脚疼體
強骨節痛或項強面目滿腫發則飲酒服麴自愈若不
愈與白石英同解

人參對紫石英人參發則煩熱頭項強與紫石英同解
大黃黃芩湯桔梗對赤石脂又對茯苓又對牡蠣桔梗
發則頭痛目赤身體壯熱解與赤石脂同茯苓發則壯
熱煩悶宜服此方

大黃

黃芩

梔子仁

各三兩

豉一升

蔥白

切一升

右五味㕮咀以水六升煮取二升半分三服

牡蠣發則四肢壯熱心腹煩悶極渴解與赤石脂同

乾薑無所偏對

枯薑根湯海蛤對枯薑海蛤先發則手足煩熱枯薑先發則噤寒清涕出宜服此方

枯薑根

甘草

各二兩

梔子仁

十四枚

大黃

一兩

右四味合服如解鍾乳法

白石英發先腹脹後發熱

石硫黃發通身熱兼腰膝痛

礬石發遍身發熱兼口噤

牡蠣發頭痛而煩滿熱

茯苓發直頭痛

桔梗發頭面熱

海蛤發心中發熱

已上除海蛤外宜浴

紫石英發乍寒乍熱

赤石脂發心噤身熱頭目赤

已上二味宜酒

石硫黃礬石桔梗牡蠣茯苓此五物發宜浴白石英亦可小浴其餘皆不宜浴礬石發宜用生熟湯茯苓發熱多攻頭即以冷水洗身漬之

浴法初熱先用暖水後用冷水浴時慎不可洗頭垂沐可以二三升灌之九藥宜浴便得解即佳不瘥可餘治之

赤石脂紫石英發宜飲酒得酒即解凡藥發或有宜令
或有宜飲酒不可一槩也

又一法云寒食散發動者云草藥氣力易盡石性沉滯
獨主胃中故令數發欲服之時以絹袋盛散一匕著四
合酒中塞其口一宿後飲盡之其酒用多少將御節度
自如舊法此則藥石之勢俱用石不住胃中何由而發
事甚驗也

梔子豉湯治食宿飯陳臭肉及羹宿菜發者方

梔子

枝三七

香豉

升三

甘草

兩三

右三味咬咀以水八升煮取三升分三服亦可加人

參蔥白

蔥白豉湯治因失食發及飲酒過醉發者方

蔥白

斤一

豉

升二

乾薑

兩五

甘草

兩二

右四味咬咀以水七升煮取三升分三服不解宜服

理中湯方

人參

甘草

白朮

兩各三

乾薑

兩二

右四味咬咀以水六升煮取三升半分三服

人參湯治因瞋怒太過發者方

人參

枳實

甘草

各九分

白朮

乾薑

枯薑根

各六分

右六味咬咀以水九升煮取三升分三服若短氣者

稍稍數飲

千金翼云主散發氣逆心腹絞痛不得氣息命在轉燭者

情色過多發宜服黃耆湯

方本闕

將冷太過發則多壯熱以冷水洗浴然後用生熟湯五

六石灌之已食少煖食飲少熱酒行步自勞

將熱太過發則多心悶時時食少冷食若夏月大熱時散發動多起於渴飲多所致水和少炒服之不瘥復作以瘥為度

冷熱熨法若大小便閉塞不通或淋瀝溺血陰中疼痛此是熱氣所致用此法即愈

其法前以冷物熨小腹已次以熱物熨之又以冷物熨之若小便數此亦是取冷所為煖將理自愈

治藥發下利者方

乾服鼓即斷能多益佳

檳榔湯凡服散之後忽身體浮腫多是取冷過所致治之方

檳榔三十枚搗碎以水八升煮取二升分再服

千金翼云

子搗作末下篩咬咀其皮以湯七升煮取二升去滓內子味為再服

治凡散發瘡腫方

蔓菁子

熬

杏仁

黃連

胡粉

各一兩

水銀

二兩

右五味別搗蔓菁子杏仁如膏以猪脂合研令水銀減以塗上日三夜一

治散發赤腫者方

生地黄

五兩

大黃

一兩

生商陸

三兩

杏仁

四十枚

右四味切醋漬一宿猪膏一升煎商陸令黑去滓摩腫上日三夜一

治散發生細瘡者方

黃連

芒硝

各五兩

右二味咬咀以水八升煮黃連取四升去滓內芒硝
令烱漬布取帖瘡上數數易換多少皆著之

治散發瘡痛不可忍方

冷石三兩下篩為末粉瘡上日五六度即燥須臾痛
亦定

治服散忽發痛方

乾薑五兩咬咀以水五升煮取三升去滓內蜜一合

和攪頓服不瘥重作

鴨通湯解散除熱方

白鴨通

五升沸湯二斗半淋之澄清取汁二斗

豉

三升

梔子仁

二十枚

麻黃

八兩

冷石

二兩

甘草

五兩

石膏

三兩

右七味五味咬咀以鴨通汁煮取六升去滓內豉三沸分服五合若覺體冷小便快濶其間若熱猶盛小便赤促服之不限五合宜小勞當漸進食不可令食

少但勿便多耳

解散治盛熱實大小便赤方

升麻

大黃

黃連

甘草

黃蘗

各三兩

芍藥

六兩

黃芩

四兩

竹葉

切一升

梔子仁

十四枚

豉

一升

白鴨通

五合

右十一味咬咀以水三斗先煮鴨通竹葉取一斗二升去滓澄清取一斗次內藥煮取三升分三服若上氣者加杏仁五合腹滿加石膏三兩

下散法治藥發熱困方

千金翼云凡散數發熱無賴下去之又云諸丹及金石等同用之

黍米三升作糜以成煎猪脂一斤和令調宿不食旦空腹食之令飽晚當下藥神良不盡熱發更合服之

又方肥猪肉

五斤

蔥白

雞

各半斤

右三味合煮治如食法宿不食旦服之令盡不盡明

日更服

又方治發動數患熱困壓藥下之方

猪腎脂一具不令中水以火炙承取汁適寒溫一服

三服每日夜五六合多至五六升二日稍隨大便下
又方作肥猪肉臠一升調如常法平旦空腹頓服令盡
少時腹中雷鳴鳴定藥下隨下以器盛取用水淘得石
不盡更作如前服之

備急千金要方卷七十三

欽定四庫全書

備急千金要方卷七十四 唐 孫思邈 撰

解毒雜治方

蠱毒第四 論方

論曰蠱毒千品種種不同或下鮮血或好臥闇室不欲
光明或心性反常乍嗔乍喜或四肢沉重百節酸疼如
此種種狀貌說不可盡亦有得之三年乃死急者一月

或百日即死其死時皆有九孔中或於脇下肉中出去
所以出門常須帶雄黃麝香神丹諸大辟惡藥則百蠱
貓虎狐狸老物精魅永不敢著人養生之家大須慮此
俗亦有灸法初中蠱於心下捺便大炷灸一百壯并主
貓鬼亦灸得愈又當足小指尖上灸三壯當有物出酒
上得者有酒出飯上得者有飯出肉菜上得者有肉菜
出即愈神驗皆於灸瘡上出

凡中蠱毒令人心腹絞切痛如有物蠶或吐下血皆如

爛肉若不即治蝕人五臟盡乃死矣欲驗之法當令病人唾水沉者是蠱不沉者非蠱也

凡人患積年時復大便黑如漆或堅或薄或微赤者皆是蠱也

凡人忽患下血以斷下方治更增劇者此是中蠱也

凡卒患血痢或赤或黑無有多少此皆是蠱毒粗醫以斷痢藥處之此大非也

世有拙醫見患蠱脹者偏身腫滿四肢如故小便不甚

澀以水病治之延日服水藥經五十餘日望得痊愈日復增加奄至隕歿如此者不一學者當細尋方意消息用之萬不失一醫方千卷不盡其理所以不可一一備述云耳

凡人中蠱有人行蠱毒以病人者若服藥知蠱主姓名當使呼喚將去若欲知蠱主姓名者以敗鼓皮燒作末以飲服方寸匕須臾自呼蠱主姓名可語令去則愈又有以蛇涎合作蠱藥著飲食中使人得瘕病此一種積

年乃死療之各自有藥江南山間人有此不可不信之
太上五蠱圓治百蠱吐血傷中心腹結氣堅塞咽喉語
聲不出短氣欲死飲食不下吐逆上氣去來無常狀如
鬼崇身體浮腫心悶煩疼寒戰夢與鬼交狐狸作魅卒
得心痛上又胃脇痛如刀刺經年累歲著牀不起悉主
之方

雄黃

椒目

巴豆

莽草

芫花

真珠

外臺用
木香

鬼臼

礬石

藜蘆

分各四

附子

分五

獺肝

分一

蜈蚣

枚二

斑貓

枚三十

右十三味為末蜜和更搗二千杵丸如小豆先食飲服一九餘密封勿泄藥氣十九丸為一劑如不中病後日增一九以下利為度當下蟲種種狀貌不可具述下後七日將息服一劑三十年百病盡除忌五辛

太乙追命圓治百病若中惡氣心腹脹滿不得喘息心痛積聚臃脹疝瘕宿食不消吐逆嘔哕寒熱瘰癧蠱毒

婦人產後餘疾方

蜈蚣一枚

丹砂

附子

雄黃

礬石

一作礬石

藜蘆

鬼臼

各一分

巴豆

二分

右八味為末蜜丸如麻子一服二九日一服傷寒一

二日服一九當汗出綿裹兩丸塞兩耳中下痢服一

九一九塞下部蠱毒服二九在外膏和摩病上在膈

上吐膈下利有瘡一九塗之毒自出產後餘疾服一

九耳聾綿裹塞耳

治人得藥雜蠱方

斑貓

六枚

桂心

藜蘆

各如指大

釜月下土

如彈丸大

右四味治下篩水服一錢匕下蠱蛇蝦蟇蜥蜴毒俱

出

萬病圓治蠱注四肢浮腫肌膚消索咳逆腹大如水狀

死後轉易家人一名蠱脹方

小品名雄黃丸一名萬病丸

雄黃

巴豆

莽草

鬼臼

各四兩

蜈蚣三枚

右五味為末蜜和搗三千杵丸如小豆密封勿泄氣
宿勿食平旦空腹一九一炊久不知更加一九當先
下清水次下蠱長數寸及下蛇又下鰕雞子或白如
膏下後作蔥豉粥補之百種煖將息

治中蠱毒腹內堅如石面目青黃小便淋瀝病變無常

處方

肘後古今錄驗方俱云用鐵精烏雞肝和丸如梧
子以酒服三九日再甚者不過十日千金用後方

疑千金誤

殺羊皮

方五寸

犀角

芍藥

黃連

牡丹

各一兩

蘘荷

四兩半

梔子仁

七枚

右七味咬咀以水九升煮取三升分三服

葛氏崔氏同無芍藥壯

丹梔子用苦參升麻當歸

犀角圓治蠱毒百病腹暴痛飛屍惡氣腫方

犀角屑

鬼臼屑

桂心末

羚羊角屑

各四錢匕

天雄

莽草

真珠

雄黃

各一兩

貝子

五枚燒

蜈蚣

五節

巴豆

五十枚

麝香

二分

射罔

如雞子黃大一枚

右十三味為末合搗蜜丸如小豆服一九日二含烟
不知少增之卒得腹滿蜚屎服如大豆許二九若惡
氣腫以苦酒和塗上縫袋子盛藥繫左臂辟不祥鬼
疰蠱毒可以備急

治蠱毒方

茜根

蘘荷根

各三兩

右二味咬咀以水四升煮取二升頓服

肘後方云治中蠱吐血或

下血皆如爛肝者
自知蠱主姓名

又方蝟皮灰

亂髮灰 各一方
寸匕

生麻子汁

五升

櫟樹北陰白

桃根皮 各五

兩

右五味先煮櫟皮桃根取濃汁一升和麻子汁髮灰
等令勻患人宿少食旦服一大升須臾著盆水以雞
翎搗吐水中如牛涎犢胎及諸蟲並出

又方櫟樹北陰白皮一大握長五寸水三升煮取一升空

腹服即吐蟲出亦治中蠱下血

又方蝟皮灰水服方寸匕亦出蟲

又方大戟

斑猫

一分

五月五日桃白皮

必效方云

以東引者火烘之各四分

右三味治下篩旦空腹以水一雞子許服八捻用二

指相著如開頓服之若指頭相離取藥太多恐能損

人肘後方云服棗核大不瘥十日更一服必效方云服半方寸匕其毒即出不出更一服李饒州云若

以酒中得則以酒服
以食中得以飲服之

治蛇蠱方

蛇毒入菜果中食之
令人得病名曰蛇蠱

大豆末以酒漬絞取汁服半升

治諸熱毒或蠱毒鼻中及口中出血醫所不治者方

取人屎尖七枚燒作火色置水中研之頓服即愈亦
解百毒時氣熱病之毒服極神驗

治蠱吐下血方

檳皮

廣五寸
長一尺

蘆荻根

五寸如足大指○
小品方用蓄薇根

右二味咬咀以水二升煮取一升頓服極下蠱

治中蠱下血日數十行者方

巴豆

二七枚

元青

藜蘆

附子

礬石

各二分

右五味為末別治巴豆合篩和相得以綿裹藥如大

豆許內下部中日三瘥

又方苦瓠一枚以水二升煮取一升稍稍服之當下蠱

及吐蝦蟇蝌斗之狀一月後乃盡

范江方云苦瓠毒當臨時量用之肘後方

云用苦酒

二升煮

治下血狀如雞肝腹中攪痛難忍者方

茜根

升麻

犀角

各三兩

桔梗

黃蘗

黃芩

各二兩

白蘘荷

地榆

各四兩

右八味咬咀以水九升煮取二升半分三服此蠱利
血用之

又方桔梗

犀角

各等分

右二味為末酒服方寸匕日三不能自服絞口與之
藥下心中當煩須臾自靜有頃下服至七日止可食

猪脾臟自補養治蠱下血如雞肝日夜不鮮欲死者
皆可用

治腸蠱先下赤後下黃白沫連年不瘥者方

牛膝一兩槌散切以淳清酒一升漬一宿平旦空腹
服之再服便愈

北地太守酒治萬病蠱毒風氣寒熱方

烏頭

甘草

芎藭

黃芩

桂心

藜蘆

附子

各四兩

白飲

桔梗

半夏

栝子仁

前胡

麥門冬

各六兩

右十三味七月麴十斤秫米一斛如醖酒法咬咀藥以絹袋盛之沉於瓮底酒熟去糟還取藥滓以青布袋盛沉著酒底泥頭秋七日夏五日冬十日空腹服一合日三以知為度藥有毒故以青布盛之服勿中止二十日大有病出其狀如漆五十日病悉愈婦人年五十被病連年腹中積聚冷熱不調時時切痛遶

臍絞急上氣胃滿二十餘年服藥二七日所下三四
升即愈又有女人病偏枯終產服二十日吐黑物大
如刀帶長三尺許即愈其年生子又有女人小得癩
病服十八日出血二升半愈有人被杖崩血內瘀臥
著九年服藥十三日出黑血二三升愈有人耳聾十
七年服藥三十五日鼻中出血三升耳中出黃水五
升便愈古方云熹平二年北地太守臣光上然此偏
主蠱毒有人中蠱毒者服無不愈極難瘥者不過二

七日所有效莫不備出曾有一女人年四十餘偏枯羸瘦不能起長臥牀枕耳聾一無所聞兩手不收已經三年余爲合之遂得平復如舊有人中蠱毒而先患風服茵芋酒傷多吐出蠱數十枚遂愈何況此酒而不下蠱也嘉其功效有異常方故具述焉

胡臭漏腋第五

論方

論曰有天生胡臭有爲人所染臭者天生臭者難治爲人所染者易治然須三年醋傅礬石散勿止并服五香

九乃可得瘥勿言一度傳藥即瘥正一傳藥時暫得一瘥耳五香丸見前第六卷中凡胡臭人通忌食芸薹五辛治之終身不瘥

石灰散治胡臭方

石灰

一升

楓香

一作沉香

薰陸香

丁香

青木香

各二兩

礬石

四兩

陽起石

橘皮

各三兩

右八味治下篩以綿作篆子粗如指長四寸展取藥

使著篆上以絹袋盛著腋下先以布揩令痛然後挾

之

又方三年苦酢和石灰傳之

治胡臭方

辛夷

芎藭

細辛

杜蘅

藁本

兩各二

右五味咬咀以淳苦酒漬一宿煎取汁傳之欲傳取
臨臥時以瘥為度

又方青木香

附子

白灰

兩各二

礬石

兩半

右四味為散著粉中常粉之

時後無
礬石

又方赤銅屑以酢和銀器中炒極熱以布裏熨腋下冷

復易

又方槲葉切三升以水五升煮取一升用洗腋下即以
白苦瓠燒令煙出熏之數數作用

又方辛夷

細辛

青木香

芎藭

各四分

右四味治下篩熏竟粉之

又方馬齒菜一束搗碎以蜜和作團以絹袋盛之以泥

紙裹厚半寸曝乾以火燒熟破取更以少許蜜和使熱勿令冷先以生布揩之夾藥腋下藥痛久忍之不能然後以手中勒兩臂

又方牛脂

胡粉

各等分

右二味煎令可丸塗腋下宿即愈不過三劑

肘後方云

合椒以塗

又方伏龍肝作泥傅之

六物散治漏腋腋下及足心手掌陰下股裏常如汗濕

臭者方

乾枸杞根

乾薔薇根

肘後作
畜根

甘草

各半
兩

商陸根

胡粉

滑石

各一
兩

右件藥治下篩以苦酒少少和塗當微汗出易衣復更塗上不過三著便愈或一歲復發發復塗之

又方水銀

胡粉

外臺作
粉霜

右二味以面脂研和塗之良驗

又方石灰

三升

銀屑

一升一
作銅屑

右二味合和絹囊盛汗出粉之妙

又方正旦以尿洗腋下神妙

又方黃礬石燒令汁盡治為末絹袋盛粉之即瘥

脫肛第六

方各法

肛門主肺肺熱應肛門熱則閉塞大行不通腫縮生瘡
允通方

白蜜三升煎令燥冷水中調可得為丸長六七寸內
肛門中到身上頭向下少時取烱斯須即通洞泄

猪肝散肛門主大腸大腸寒應肛門寒則洞瀉肛門滯

出

猪肝

一斤熬令燥

黃連

阿膠

芎藭

各二兩

艾葉

一兩

烏梅肉

五兩

右六味治下篩溫清酒一升服方寸匕半日再若不

能酒與清白米飲亦得

壁土散治肛門滯出方

故屋東壁土

一升碎

皁莢

三捉各長一尺二寸

右二味先搗土為散挹粉肛頭出處次取阜莢炙煖
更遞熨取入則止

又方灸故麻履底按令入頻按令入永瘥

癭瘤第七

證方
灸法

證原本遺失此一條多有脫誤須覓善本訂之

治五癭方

海藻

龍膽

海蛤

通草

昆布

礬石

一作礬石

松蘿

各三分

麥麴

四分

半夏
分二

右九味治下篩酒服方寸匕日三禁食魚豬肉五辛
生菜諸難消之物十日知二十日愈

又方小麥麵斗一

海藻

斤一

特生礬石

兩十

右三味以三年米醋漬小麥麵曝乾各搗為散合和
服一方寸匕日四五服藥含極乃咽之禁薑五辛猪
魚生菜大吹大讀誦大叫語等

又方昆布

松蘿

海藻

兩各三

桂心

海蛤

通草

白欬

各二兩

右七味治下篩酒服方寸匕日三

又方海藻

海蛤

各三兩

昆布

半夏

土瓜根

松蘿

各一兩

通草

白欬

龍膽

各二兩

右九味治下篩酒服方寸匕日再不得作重用力

又方昆布二兩洗切如指大醋漬含咽汁盡愈

又方海藻

一斤小小麥麴
品三兩升一

右二味以三年醋一升搜麴末曝乾往返醋盡合搗

爲散酒服方寸七日三服忌努力

崔氏云療三
十年癭瘤

五癭圓方

菖蒲

二兩

海蛤

白斂

續斷

海藻

松蘿

桂心

蜀椒

到掛草

半夏

各一兩

神麴

三兩

羊靨

百枚

右十二味治下節以牛羊髓脂爲丸如梧子大日服

三九

又方取鹿靨以佳酒浸令沒炙乾內酒中更炙令香含咽汁味盡更易盡十具愈

灸法

癭上氣灸天府五十壯

千金翼云又灸胃堂百壯

癭上氣短氣灸肺輸百壯

癭上氣胃滿灸雲門五十壯

癭勞氣灸衝陽隨年壯

癭氣面腫灸通天五十壯

癭灸天瞿三百壯橫三間寸灸之

又灸中封隨年壯在兩足趺上曲尺宛宛中

諸癭灸肩髃左右相當宛宛處男左十八壯右十七壯

女右十八壯左十七壯或再三取瘥止

又灸風池百壯俠項兩邊

又灸兩耳後髮際一百壯

又灸頭衝

一作頸

頭衝在伸兩手直向前令臂著頭對鼻

所注處灸之各隨年壯

千金翼云一名臂臑

凡肉瘤勿治治則殺人慎之

肘後方云不得針灸

陷腫散治二三十年瘰癧及骨瘤脂瘤石瘤肉瘤膿瘤
血瘤或息肉大如杯杆升斗十年不瘥致有漏潰令人
骨消肉盡或堅或軟或潰令人驚悸寤寐不安身體瘰
縮愈而復發方

烏賊骨

石硫黃

各一分

白石英

紫石英

鍾乳

各二分

丹參

三分

琥珀

附子

胡鷺屎

大黃

乾薑

各四分

右十一味治下篩以韋囊盛勿泄氣若瘡濕即傅若
瘡乾猪脂和傅日三四以乾為度若汁不盡者至五
劑十劑止藥令人不痛苦不消加芒硝二兩佳

治癰瘤方

昆布

桂心

逆流水柳鬚

各一兩

海藻

乾薑

各二兩

羊靨

七枚
陰乾

右六味為末蜜丸如小彈子大含一九咽津

又方礬石

芎藭

當歸

大黃

黃連

黃芩

白斂

芍藥

各二分

吳茱萸

一分

右九味治下節雞子黃和塗故細布上隨瘤大小厚薄帖之乾則易著藥熟當作膿脂細細從孔中出頭探膿血盡著生肉膏若膿不盡復起如故

生肉膏治癰瘤潰漏及金瘡百瘡方

當歸

附子

甘草

白芷

芎藭

各一兩

薤白

二兩

生地黃

三兩

右七味咬咀以猪脂三升半煎白芷黃去滓稍以傅之日三

又方以狗屎煨雞子傳之去膿水如前方說傳生肉膏

取瘡

方見前十二卷

陰癰第八

論灸法

論曰癰有四腫有腸癰卵脹氣癰水癰腸癰卵脹難瘥氣癰水癰針灸易治

治癰圓方

桃仁

蜘蛛

各五枚

桂心

蒺藜子

地膚子

澤瀉

防風

五味子

橘皮

茯苓

防葵

芍藥

各二兩

牡丹皮

細辛

海藻

各一兩

狐陰

具一

右十六味為末蜜和丸如梧子服十九丸稍加至三十丸方角處一九令頓上兩爪角各令半丸上爪指佳

七壯愈

陰癰灸足大趾下理中十壯隨腫邊灸之

肘後方云灸足大趾第二

節下橫文正中央五壯
姚氏云足大趾本三壯

男兒癩先將兒至碓頭祝之曰坐汝令兒某甲陰囊癩
故灸汝三七二十一枚灸訖便牽小兒令雀頭下向著
囊縫當陰頭灸縫上七壯即消已驗艾炷狹簪頭許

大凡男癩當騎碓軸以莖伸置軸上齊陰莖頭前灸軸
木上隨年壯

論曰有人自少至長陰下常有乾癬者宜依癬方主之
有五勞七傷而得陰下癢濕搔之黃汁出者宜用補丸

散主之仍須傳藥治之亦有患妬精瘡者以妬精方治之夫妬精瘡者男子在陰頭節下婦人在玉門內並似甘瘡作白齊食之大痛甘即不痛也

茱萸子湯凡虛熱石熱當路門冷濕傷肌熱聚在裏變成熱及水病腫滿腹大氣急大小便不利腫如皮紙盛水晃晃如老蠶色陰莖堅腫為瘡水出此皆腎熱虛損強取風陰濕傷脾胃故也治之法內宜依方服諸利小便藥外以此湯洗四肢竟以蔥白膏傅之別以猪蹄湯

洗莖上蒺藜子湯方

蒺藜子

蔥心青皮

赤小豆

各一升

蒴藿

五升

松菜子

三升

巴豆

一枚合皮殼

右六味㕮咀以水二升煮取八升以淋洗腫處

猪蹄湯治服石發熱因勞損熱盛當風露卧莖腫方

猪蹄

一隻

蒺藜子

一升碎

葶藶子

五合

蒴藿

三升

黃蘗


五兩

地榆

關

右六味㕮咀以水一斗五升煮取六升去滓適令煖

便洗瘡日再或只煮黃蘗汁洗亦佳



備急千金要方卷七十四

欽定四庫全書

子部

備急千金要方卷七十五至

詳校官太醫院醫官臣姜晟

編修臣倉聖脈覆勘

總校官中書臣朱 鈐

校對官中書臣胡紹基

謄錄監生臣李維瀛

欽定四庫全書

備急千金要方卷七十五 唐 孫思邈 撰

宋 林億等 校正

備急方

卒死第一方

灸法

治卒死無脉無他形候陰陽俱竭故也治之方

牽牛臨鼻上二百息牛舐必瘥牛不肯舐著鹽汁塗

面上牛即肯舐

又方牛馬屎絞取汁飲之無新者水和乾者亦得

肘後方云

乾者以人溺解之此扁鵲法

又方灸鬩斗鬩兩脇下

解急方云又治屍厥

針灸法

針間使各百餘息又灸鼻下人中一名鬼客廳

肘後方云又治

屍厥

治魘死不自覺者方

慎燈火勿令人手動牽牛臨其上卽覺若卒不能語

取東門上雞頭爲末以酒服之

治卒魘死方

搗韭汁灌鼻孔中劇者灌兩耳

張仲景云灌口中

治鬼魘不悟方

伏龍肝爲末吹鼻中

又方阜莢爲末如大豆許吹鼻中嚏則氣通起死回生

集驗方云

治中惡

辟魘方

雄黃如棗大繫左腋下令人終身不魔

張文仲云男左女右

又方灸兩足大趾叢毛中各二七壯

肘後方云華陀法又救卒死中惡

治中惡方

蔥心黃刺鼻孔中血出愈

肘後方云八十八寸無苦使目中血出佳崔氏云男

左女右

又方大豆二七粒爲末雞子黃并酒相和頓服

又方使人尿其面上可愈

肘後方云此扁鵲法

又方灸胃管五十壯愈

治中惡并蟲毒方

冷水和伏龍肝如雞子大服之必吐

又方溫二升猪肪頓服之

又方車軋脂如雞子大酒服

治卒忤方

此病即今人所謂中惡者與卒死鬼擊亦相類為治皆參取而用之

鹽八合以水三升煮取一升半分二服得吐即愈

備急

方云治鬼擊

若小便不通筆頭七枚燒作灰末水和服之

即通

又方犢子屎半盞酒三升煮服之亦治霍亂

肘後方云治鬼擊大

牛亦可用

又方書墨爲末水服一錢匕

又方臘月野狐腸燒末以水服方寸匕死鼠灰亦佳

灸法

治卒忤死

灸手十指爪下各三壯餘治同上方

備急方云治卒死而張目反折者

又灸人中三壯又灸肩井百壯又灸間使七壯又灸巨

闕百壯

還魂湯治卒感忤鬼擊飛屍諸奄忽氣絕無復覺或已死咬口口噤不開去齒下湯湯入口不下者分病人髮左右足踏肩引之藥下復增取盡一升須臾立蘇方

麻黃

三兩

桂心

二兩

甘草

一兩

杏仁

七十粒

右四味咬咀以水八升煮取三升分三服

肘後方云張仲景方

云桂不用

治卒死鬼擊及刀兵所傷血漏腹中不出煩滿欲絕方

雄黃粉酒服一升圭日三服化為水

治鬼擊病方

鬼擊之病得之無漸卒著人如刀刺狀胃腸腹內絞急切痛不可抑按或即吐血或

鼻口血出或下血一名鬼排

雞屎白

如棗大

青花麻

一把

右二味以酒七升煮取三升熱服須臾發汗若不汗熨斗盛火灸兩脇下使熱汗出愈

又方艾如雞子大三枚以水五升煮取二升頓服又方吹酢少許鼻中

灸法

灸人中一壯立愈不瘥更灸

又灸臍上一寸七壯及兩踵白肉際取瘥又灸臍下一寸三壯

治五絕方

夫五絕者一曰自縊二曰牆壁壓迫三曰溺水四曰魘寐五曰產乳絕

取半夏一兩細下篩吹一大豆許內鼻中即活心下溫者一日亦可治

治自縊死方

凡救自縊死者極須按定其心勿截繩手抱起徐徐

解之心下尚溫者以氈毼覆口鼻兩人吹其兩耳

又方強臥以物塞兩耳竹筒內口中使兩人痛吹之塞口傍無令氣得出半日死人即噫噫即勿吹也

又方擣皂莢細辛屑如胡豆大吹兩鼻中

又方刺雞冠血出滴著口中即活男雌女雄

又方雞屎白如棗大酒半盞和灌口及鼻中佳

又方皂莢爲末以蔥葉吹入兩鼻中逆出更吹

又方梁上塵如大豆許各內一小竹筒中四人各捉一

筒同時吹兩耳兩鼻即活

又方尿鼻口眼耳中并捉頭髮一撮如筆管大掣之立活

又方雞血塗喉下

又方藍青汁灌之

又方灸四肢大節陷大指本文名曰地袖各七壯

治熱喝方

取道上熱塵土以壅心上少冷即易氣通止

又方令暍人仰臥以熱土壅臍上令臍中溫即愈

又方可飲熱湯亦可內少乾薑橘皮飲之稍稍咽勿頓使飽但以熱土及壅臍上佳

又方濃煮蓼取汁三升飲之即愈不瘥更灌

又方張死人口令通以煖湯徐徐灌口中小舉死人頭令湯入腹須臾即蘇

又方使人噓其心令煖易人爲之

又方抱狗子若雞心上熨之

又方屋上南畔瓦熱熨心冷易之

又方灌地漿一盞即愈

又方地黄汁一盞服之

又方水半升和麵一大抄服之

治落水死方

以竈中灰布地令厚五寸以甌側著灰上令死者伏於甌上使頭小垂下炒鹽二方寸七內竹管中吹下孔中即當吐水水下因去甌下死者著灰中壅身使

出鼻口即活

又方掘地作坑焚數斛灰內坑中下死人覆灰濕徹即
易勿令大熱搏人灰冷更易半日即活

又方取大甑傾之死人伏其上令死人口臨甑口然葦
火二七把燒甑中當死人心下令煙出小入死人鼻口
中鼻口中水出盡則活火盡復益之常以手候死人身
及甑勿令甚熱當令火氣能使死人心下足得煖卒無
甑者於岸側削地如甑空下如竈燒令煖以死人著上

亦可用車轂爲之勿令隱其腹令死人低頭水得出并炒灰數斛令煖以粉身濕更易溫者

又方但埋死人煖灰中頭足俱沒惟開七孔

又方倒懸死人以好酒灌鼻中又灌下部又酢灌鼻亦得

又方綿裹阜莢內下部中須臾出

又方裹石灰內下部中水出盡則活

又方倒懸解去衣去臍中垢極吹兩耳起乃止

又方熬沙覆死人面上下有沙但出鼻孔耳沙冷濕即
易

又方竈中灰二石埋死人從頭至足出七孔即活

又方屈兩腳著生人兩肩上死人背向生人背即負持
行走吐出水便活

又方解死人衣炙臍中凡落水經一宿猶可活

治冬月落水凍四肢直口噤尚有微氣者方

以大器中熬灰使煖盛以囊薄其心上冷即易心煖

氣通目得轉口乃開可溫尿粥稍稍吞之即活若不
先溫其心便持火炙身冷氣與火爭即死

治凍爛瘡方

猪後懸蹄以夜半時燒研細篩以猪脂和傅

亦治小兒

治入水手足腫痛方

擣生胡麻薄之

治酒醉中酒恐爛五臟方

以湯著槽中漬之冷復易夏亦用湯

又方擣茆根汁飲三升

又方凡醉不得安臥不動必須使人搖轉不佳特忌當風席地及水洗飲水交接

治飲酒頭痛方

竹茹五兩以水八升煮取五升去滓令冷內破雞子五枚攪勻更煮二沸飲二升使盡瘥

治飲酒腹滿不消方

煮鹽湯以竹筒灌大孔中

治飲酒中毒方

煮大豆三沸飲汁三升

又方酒漬乾椹汁服之

治酒病方

蔥白

豉各一升

右二味以水四升煮取二升頓服

治飲酒房勞虛受熱積日不食四月中熱飲酒不已酒入百脉心氣虛令人錯謬失常方

芍藥

人參

白薇

栝蔞根

枳實

知母

各二兩

甘草

一兩

生地黄

八兩

酸棗

仁半升

茯神

三兩外臺作茯苓

右十味咬咀以水一斗煮取三升分三服

治連月飲酒咽喉爛舌上生瘡方

大麻仁

一升

黃芩

二兩肘後用黃藥

右二味爲末蜜和丸含之

千金翼用黃藥二兩

治酒醉不醒方

飲葛根汁一斗二升取醒止

肘後方云治大醉連日煩毒不堪

飲酒令人不醉方

栢子仁

麻子仁

各二兩

右二味治下篩爲一服進酒三倍

又方葛花

小豆花

各等分

右二味合爲末服三方寸匕飲時仍進葛根汁芹汁及枇杷葉飲並能倍酒

又方九月九日菊花爲末臨飲服方寸匕

又方小豆花葉陰乾百日爲末服之

又方五月五日取井中倒生草枝陰乾爲末酒服之

飲酒令無酒氣方

乾蔓菁根二七枚三遍蒸爲末取兩錢許酒後水服

治惡酒健噉方

空井中倒生草燒灰飲之勿令知

又方取其人牀上塵和酒飲之

斷酒方

柳花

臘月鼠頭灰

右二味等分爲末黃昏時酒服一杯

又方酒七升著瓶中熟朱砂半兩著酒中急塞瓶口安著猪圈中任猪搖動經七日取酒盡飲

又方正月一日酒五升淋碓頭擣一下取飲之

又方故氈中臬耳子七枚燒作灰黃昏時煖一杯酒呪言與病狂人飲也勿令知之後不喜飲酒也

又方白猪乳汁一升飲之永不飲酒

又方刮馬汗和酒與飲終身不飲

又方虎屎中骨燒末和酒與飲

又方鷓鴣屎燒灰水服方寸匕永斷

又方取毛鷹一過吐毛水煮去毛頓服

又方故紡車絃燒灰和酒與服

又方驢駒衣燒灰酒飲方寸匕

又方自死蟪螬乾擣末和酒與飲永世聞酒名即嘔神

驗

又方酒客吐中肉七枚陰乾燒末服之

又方酒漬汗靴替一宿平旦空腹與飲即吐不喜見酒

又方白狗乳汁酒服之

又方臘月馬腦和酒服之

備急千金要方卷七十五

欽定四庫全書

備急千金要方卷七十六 唐 孫思邈 撰

宋 林億等 校正

備急方

蛇蟲等毒第二

論方
灸法

治因熱逐涼睡熟有蛇入口中挽不出方

以刀破蛇尾内生椒三兩枚裹著須臾即出

肘後方
云艾灸

蛇尾即出若無火以刀周帀割蛇
尾截令皮斷乃捋皮倒脫即出

治蛇入人口并七孔中者方

割母猪尾頭滴血著口中即出

又方以患人手中指等截三歲大猪尾以器盛血傍蛇瀉血口中拔出之

治卒爲蛇繞不解方

以熱湯淋之無湯令人尿之

治蛇蠍螫方

服小蒜汁滓薄上

肘後方云
治蝮蛇螫

又方熟搗葵取汁服之

治蛇嚙方

人尿厚塗帛裹即消

治蛇毒方

消蠟注瘡上不瘥更消注之

又方以母猪耳中垢傳之

肘後方云牛耳中垢亦可用

治蝮蛇毒方

令婦人騎度三過又令坐上

又方以射罔塗腫上血出即愈

又方生麻楮葉合擣以水絞去滓漬之

又方令婦人尿瘡上

又方末薑薄之乾復易

治諸蛇毒方

雄黃

乾薑

各等分

右二味爲末和射罔著竹筒中帶行有急用之

又方雞屎二七枚燒作灰投酒中服之

又方以麵圍上令童男尿著中燒鐵令赤投中冷復燒
著二三度瘥

又方雄黃爲末傳上日一易

又方鹽四兩水一斗煮十沸沸定以湯浸冷易之

又方擣紫莧取汁飲一升以滓封瘡上以少水灌之

又方梳中垢如指大長一寸尿和傳之

又方取合口椒胡荽苗等分擣傳之無不瘥

又方男子陰間毛二七枚含之有汁即咽却祕方也

又方用銅青傳瘡上

又方擣大蒜和胡粉傳之

又方口嚼大豆葉塗之良

又方猪脂和鹿角灰塗之

又方炙梳汗出熨之

入山草辟衆蛇方

乾薑

麝香

雄黃

各等分

右三味擣爲粗散以小絳袋盛帶之男左女右蛇毒

塗瘡

集驗方云如無麝香以射罔和代之救急方云以蜜和為膏傳螫處良

又方常燒羖羊角使煙出蛇則去矣

治蛇螫人瘡已愈餘毒在肉中淫淫痛癢方

大蒜

小蒜

各一升

右二味合擣以熱湯淋以汁灌瘡大良

治蛇骨刺人毒痛方

鐵精如大豆許內管中吹內瘡中良

又方燒死鼠為末傳之

治衆蛇螫方

灸上三七壯無艾以火頭稱瘡孔大小藝之

治虎咬瘡方

濃煮葛根汁洗十數遍及擣爲散以葛根汁服方寸
匕日五甚者夜二

又方青布急卷爲繩止一物燒一頭燃內竹筒中注瘡
口熏之妙

又方煮鐵令濃洗瘡

又方嚼栗子塗之良

辟虎法

凡入山燒水牛羖羊角虎狼蛇皆走

論曰凡見一切毒螫之物必不得起惡心向之亦不得殺之若輒殺之於後必遭螫毒治亦難痊慎之慎之

治蠍毒方

凡蠍有雌雄雄者痛止在一處雌者痛牽諸處若是雄者用井底泥塗之溫則易雌者用當瓦屋溝下泥

傳之若值無雨可用新汲水從屋上淋下取泥

又方取齒中殘飯傳之又猪脂封之又射罔封之又礪砂和水塗上立愈

治蠍螫方

若著手足以冷水漬之水微煖則易之著餘處者冷水浸故布揜之小煖則易

又方生烏頭爲末唾和傳之

治蜂螫毒方

取瓦子摩其上唾二七遍置瓦子故處

治蜂螫方

猪脂

蜜各五合

蠟二兩

右三味和煎如膏候冷以塗之

又方燒蜂房爲末膏和塗之

肘後方云先煮蜂房洗之又燒塗之

又方酥脂塗之立愈

又方燒牛屎灰苦酒和塗之

又方齒垢塗之

又方淳酢沃地取泥塗之

又方嚼鹽塗之

又方以人尿新者洗之

又方尿泥塗之

又方反手捻地上土傳之

論曰凡蠹螋蟲尿人影著處便令人病瘡其狀身中忽有處疼痛如芒刺亦如刺蟲所螫後起細痞癰作聚如茱萸子狀四邊赤中央有白膿如黍粟亦令人皮肉急

舉身惡寒壯熱劇者連起竟腰脇胸治之法初得之摩
犀角塗上止其毒治如火丹法余以武德中六月得此
疾經五六日覺心悶不佳以他法治不愈又有人教畫
地作蠮螋形以刀子細細畫盡取蠮螋腹中土就中以
唾和成泥塗之再塗即愈方知天下萬物相感莫曉其
由矣

治蠮螋尿方

殺羊髭燒灰臘月猪脂和封之

又方擣豉封之

又方酢和胡粉塗之

治蠹螬尿瘡方

燒鹿角爲末以苦酒和傳瘡上已有汁者燒道傍散蒲席傳之

又方槐白皮半斤切以苦酒二升漬半日刮去瘡處以洗日五六遍仍以赤小豆爲末以苦酒和傳之燥復易小兒以水和

又方嚼大麥以傳之三日

又方燕窠中土以豬脂和傳

又方熟嚼梨葉以水和塗燥復易之

又方爛擣馬鞭草以傳上燥則易之

又方取吳茱萸東行根下土酢和塗之

治三種射工蟲毒方

論曰江南有射工毒蟲一名短狐一名蜮其蟲形如甲

蟲外臺云正黑狀如大飛生有一長角在口前如弩檐臨其角端曲

如上弩以氣爲矢因水勢以射人人或聞其在水中鈇
鈇作聲要須得水沒其口便射人此蟲畏鵝鵝能食之
其初始證 先惡寒噤瘳寒熱筋急仍似傷寒亦如中
屍便不能語朝旦小蘇晡夕輒劇寒熱悶亂是其證始
得三四日當即治之治之稍遲者七日皆死初未有瘳
但惡寒噤瘳及成瘳似蠅螋尿亦似瘰癧瘳射工中瘳
有三種其一種瘳正黑如黛子皮周邊悉赤或衣犯之
如有芒刺痛其一種作瘳久久穿或晡間寒熱其一種

如火灼燹起似此者最急數日殺人

備急方云有四種其一種突起如癰

治射工中人寒熱或發瘡偏在一處有異於常者方

取鬼臼葉一把清苦酒中熟搗絞取汁服一升日三

又方取生吳茱萸莖葉一握斷去前後取握中熟搗以水二升煮取七合頓服

又方取葫切帖瘡灸七壯

又方取蜈蚣大者一枚火炙治爲末苦酒和以傅瘡上

又方取赤莧菜熟搗絞取汁每服一升日四五服

又方白雞屎取白頭者三枚湯和塗中毒處

又方升麻

三兩

犀角

烏扇根

各二兩

右三味咬咀以水四升煮取一升半去滓分再服相去如一炊頃盡更作

治射工中人已有瘡者方

取芥子爛擣苦酒和厚塗瘡上半日痛便止

又方取狼牙葉冬取根擣令熟薄所中處又飲四五

汁合

治射工中人三種瘡方

升麻

二兩

烏扇根

三兩

右二味咬咀以水三升煮取一升適寒溫盡服滓薄

上

五香散治江南毒氣惡核射工中人暴腫生瘡方

甲香

犀角

鼈甲

升麻

薰陸香

烏蜚

丁香

沈香

黃連

青木香

羚羊角

黃芩

甘草

牡蠣

各四分

吳茱萸

三分

黃蘗

六分

右十六味治下篩中射工毒及諸毒皆水服方寸匕
日三升以水和少許洗之仍以雞子白和塗腫上乾
則易

野葛膏治射工惡核卒中惡毒方

野葛

升一

巴豆

烏頭

蜀椒

各五合

茵芋

躑躅

附子

丹砂

各一兩

雄黃

大黃

各七兩

右十味治下篩以不中水猪膏三斤煎三上三下去

萍內丹砂雄黃末攪至凝以棗核大摩痛上勿近眼
凡合名膏皆無令產婦女人小兒雞犬六畜見之惟
宜清淨

治沙虱毒方

斑猫二枚一枚熬爲末服一大枚燒令煙絕爲末著
瘡中

又方大蒜十枚止一物合皮安熱灰中炮令熱去皮刀
斷蒜頭取熱拄所著毒處

又方麝香

大蒜

右二味合搗以羊脂和著小筒中帶欲用取傳瘡上

又方雄黃

朱砂

恒山

各等分

右三味取五月五日日中時令童子合之取傳瘡上

治石蛭方

山水中陰濕草木上石蛭著人則穿齧人肌膚行人肉中浸淫墳起如蟲行道之狀

凡行山路草木中常以臘月猪膏和鹽塗脚脛及足

趾間趺上及著鞋襪蛭不得著人也已著者炙斷其

道即愈

治水毒方

論曰凡山水有毒蟲人涉水中人似射工而無物其診
法初得之惡寒微似頭痛目匡疼心中煩懊四肢振煖
腰背百節皆強兩膝痛或翕翕而熱但欲睡旦醒暮劇
手足逆冷至肘膝二三日腹中生蟲食人下部肚中有
瘡不痛不癢令人不覺不急治過六七日下部出膿潰
蟲上食人五臟熱盛毒煩下利不禁八九日雖良醫不
能治矣覺得之急早視其下部若有瘡正赤如截肉者

陽毒最急若瘡如鯉魚齒者爲陰毒猶小緩要皆殺人
不過二十日也欲知是中水與非者當作五六升湯以
小蒜五升呔咀投湯中消息勿令大熱去滓以浴之是
水毒身體當發赤斑無異者非也當以他病治之

治人忽中水毒手足指冷或至肘膝者方

吳茱萸

一升

生薑

切一升半

犀角

升麻

橘皮

各二兩

烏梅

十四枚

右六味呔咀以水七升煮取二升分二服

又方浮萍草曝乾爲末酒服方寸匕

又方取梅若桃葉擣絞取汁三升許或乾以少水絞取汁飲之小兒不能飲以汁傳乳頭飲之

又方擣蒼耳汁服一升又以綿裹杖沾汁導下部日三瘥

又方擣蓼一把以酒和絞取汁一升飲之不過三服瘥

外臺肘後
作梨葉

又方擣藍一把水解以塗浴面目身體令遍

又方擣蛇莓根爲末水飲之并導下部生者用汁凡夏月行常多齋此藥屑入水以方寸匕投水上流無所畏又辟射工凡洗浴以少許投水盆中即無毒

治猫鬼野道病歌哭不自由方

五月五日自死赤蛇燒作灰以井花水服方寸匕日

一 針灸方見別卷中

又方臘月死猫兒頭燒灰水服一錢七日二

治猫鬼眼見猫狸及耳雜有所聞方

相思子

革麻子

巴豆

各一枚

朱砂末

蠟

各四銖

右五味合擣爲丸先取麻子許大含之即以灰圍患人前頭著一斗灰火吐藥火中沸即畫火上作十字其猫鬼並皆死矣

治蜘蛛咬毒方

人尿傳又油淀傳又炮薑貼之又猢猻屎傳之

又方烏麻油和胡粉如泥塗乾則易之

治馬啣人及踰人作瘡毒腫熱痛方

馬鞭梢

二寸長

鼠屎

二七枚

右二味合燒爲末以猪膏和塗之立愈

外臺方云治遂成瘡爛經

久不愈者肘後方云用馬鞭皮燒末猪膏和塗

治馬啣人陰卵脫出方

推內入以桑皮細作線縫之破烏雞取肝細剉以封之且忍勿小便即愈

治犬馬啣及馬骨刺傷人及馬血入舊瘡中方

取灰汁熱漬瘡常令汁器有火數易汁勿令爛人肉
三數日漬之有腫者炙石熨之日二消止

治馬血入瘡中方

服人糞如雞子大復以糞傅瘡上

又方取婦人月水傅之神良

治剥死馬馬骨傷人毒攻欲死方

便取馬腸中屎塗之大良

外臺方云取其屎
燒灰服方寸匕

治馬汗馬毛入人瘡中腫痛欲死方

以水漬瘡數易水便愈又以石灰傳之

又方飲醇酒取醉即愈

又方燒雞毛作末以酒服方寸匕

又方以沸湯令所浸洗之取瘥

論曰凡春末夏初犬多發狂必識小弱持杖以預防之防而不免者莫出於灸百日之中一日不闕者方得免難若初見瘡瘥痛定即言平復者此最可畏大禍即至死在旦夕凡狂犬咬人著訖即令人狂精神已別何以

得知但看炙時一度火下即覺心中醒然惺惺了了方知咬已即狂是以深須知此此病至重世皆輕之不以爲意坐是死者常年有之吾初學醫未以爲業有人遭此將以見問吾了不知報答以是經吾手而死者不一自此銳意學之一解已來治者皆愈方知世無良醫枉死者半此言非虛故將來學者非止此法餘一方皆須沈思留心作意慇懃學之乃得通曉莫以初解一兩種法即謂知訖極自誤也聊因方末申此一二言不盡意

耳

又曰凡獠犬咬人七日輒應一發三七日不發則脫也
要過百日乃得免耳每到七日輒當擣韭汁飲一二升
又當終身禁食犬肉蠱蛹食此則發死不可救矣瘡未
愈之間禁食生魚及諸肥膩冷食但於飯下蒸魚及於
肥器中食便發不宜飲酒能過一年乃佳

集驗方云若重發者生食

蟾蜍鱸絕良亦可燒炙食之必令其
知初得齧毒便爲之則於後不發也

治獠犬毒方

頭髮

猾皮各等分

右二味燒灰水和飲一杯口噤者折齒內藥

又方擣地榆絞取汁塗瘡無生者可取乾者以水煮汁飲之亦可爲末服方寸匕日三兼傳上過百日止

又方擣韭絞取汁飲一升日三瘡愈止亦治愈後復發者

又方刮虎牙若骨服方寸匕

小品方云刮狼牙或虎骨末服已發狂如獠犬者服

即愈

又方燒虎骨傳瘡及熨又微炙杏仁擣研取汁服之良
又取燈盞殘油灌瘡口此皆禁酒猪肉魚生菜

又方用韭根故梳二枚以水二升煮取一升頓服

又方桃東南枝白皮一握水二升煮取一升分二服

吐

犬子

又方取獬犬腦傳上後不復發

又方蝦蟇灰粥飲服之

又方服葇荑子七枚日一

又方梅子末酒服之

又方以豆醬清塗之日三四

治狂犬嚙人方

蛇脯一枚炙去頭擣末服五分七日三

又方擣莨菪根和鹽傳日三

又方青布浸汁服三升

又方飲驢尿一二升

治凡犬嚙人方

熬杏仁五合令黑碎研成膏傳之

又方取竈中熱灰以粉瘡中帛裹繫之

又方燒自死蛇一枚令焦爲末內瘡孔中

又方鼠屎爲末以臘月猪膏和傳之

外臺方云用鼠一枚猪膏煎傳之

又方飲生薑汁一升

小品方云治狂犬咬

韭汁亦佳

外臺方云亦治已瘥後復

發者

又方水洗瘡任血出勿止之水洗不住取血自止以綿

裹之瘥

又方以沸湯和灰壅瘡上

又方燒犬尾爲末傳瘡日三

又方以頭垢少少內瘡中

又方火炙蠟以灌瘡中

又方以熱牛屎塗之佳

又方以苦酒和灰塗瘡中

治小兒狗咬方

月一日以水一升灌之勿令狗主打狗若月盡日三

升水灌之

灸法

凡獐犬所嚙未盡其惡血毒者灸上一百壯已後當日
灸一壯若不血出刺出其血百日灸乃止禁飲酒及猪
犬肉

治猪嚙方

松脂鍊作餅上貼之

又方屋雷中泥塗

[illegible]

備急千金要方卷七十六